

¡BOMBA!

¡Vaya, Dios! ¡Qué situación!
¡Pero qué terrible escena!
Donald Trump probó su cena
y luego, luego, evacuación.



K'uintsil

Lunes 27 de abril de 2026

CAMPECHE · YUCATÁN · QUINTANA ROO · AÑO 11 · NÚMERO 2711 · www.lajornadamaya.mx

Ya'abach máak tu noj kaajil Tulumé' béeychaj u cha'antiko'ob Air Show yéetel NASCAR México Series

Miguel Améndola / P 7

Ts'íib yéetel oochel: Miguel Améndola

Tu noj kaajil Tulumé' yanchaj kí'iki' óol yéetel cha'an úuchik u beeta'al u cha'anil Air Show 2026, beyxan u yóoxpáakil NASCAR México Series, tu'ux jmúuch' ya'abach mákao'ob ti' jáal ja'ob, beyxan tu kúuchil Aeropuerto Internacional Felipe Carrillo Puerto.

Káaj tu k'iinil 23 ti' abril. U ka'anil Caribe Mexicanoe' jchu'up yéetel e'esajilo'ob beeta'ab tumen péepen k'áak' wa míilitar yéetel sivil aeronabeob béeychaj u cha'anta'al tumen kajnáalo'ob yéetel tumen ajxiinximbal máako'ob.

Ichil ba'ax béeychaj u yila'ale', ti' yaan tsootsol xik'nal, beyxan u k'ak'atmáano'ob ma' seen ka'anali', yéetel u áakrobaasyaas. Le teeknikáas je'elo' táaka'an ichil ba'ax k'ajóolta'an beey áakrobasyaa aérea, tu'ux pilooto'ob jach táaj kaambanaja'ano'obe' ku beetiko'ob u su'usut péek'en k'áak', beyxan toneles yéetel ku toj na'akalo'ob, ti'al u ketiko'ob grábadaad.

Ichil péepen k'áak'o'ob suuk u k'abéetkunsal ti'al le cha'ano'oba' ti' yaan u modelo'ob Northrop F-5, k'abéetkunsal tumen Fuerza Aérea Mexicana, je'el bix u jejeláasil Extra 300, beeta'an ti'al u k'amik k'a'ankach muuk', yéetel u péek kex talam bix yanik.

Ti'al e'esajilo'ob beyo' ku beeta'al figuuras je'el bix "loop", yéetel "roll", beyxan ku kúulpach xik'nal, ts'o'oke' ti'al u béeytal u beeta'ale' k'abéet jach tu beel yéetel tu p'iis u péeksa'al ba'al tumen pilootoos.

E'esajile' ts'o'okspaj tu k'iinil domingo 26 ti' abril, tu jáal ja'il Paraíso, tu'ux cha'anta'ab Tulum Air Show 2026. Ja'atskab k'iin ka'aj káaj u k'uchul máak ti'al u yila'al bix u péek u péepen k'áak'ilo'ob Fuerza Aérea Mexicana. Ba'ale' ti' lu'ume', tu k'iinilo'ob sábado yéetel domingoe' beeta'ab u yóox máal u keetil NASCAR México Series, jump'eel ba'al táan u bin u ch'áak u muuk ichil áatomobilismoo te'el noj lu'umila'.

